



U carrettu di i ghjacci

Asirciziu di ricerca

Ogettivi pedagogichi

Capacità missi in baddu : calculà u volumu d'un conu ; converta l'unità di volumu ; calculà un benefiziu.

Cumpitenzi missi in baddu : calculà, circà.

Enunciatu

Quist'annu, u babbu di Francescu Maria hà decisu ch'ella tuccherebbe à u figliolu a rispunsabilità di u carrettu di ghjacci di u portu di Portivechju.

U carrettu prupone curnetti cù una palliola di ghjacciu è vasetti di surbettu.

I vasetti di surbettu tenenu 155 ml.

I curnetti sò fatti à conu, ripieni à ghjacciu è supranati da una meza palliola. A basa di u conu hè un discu di diametru 5 cm è altu 15 cm. U volume di a meza palliola hè 3,3 cL.

Francescu Maria pensa di vende una media di 60 curnetti è 30 vasetti à ghjornu.

Li tocca à cumprà vaschetti di 5 litri di ghjacciu à u prezzu di 12 € l'unu, curnetti à 3 centimi d'eurò l'unu, vasetti à 0,06 € l'unu è cuchjarini di legnu da i vasetti à 5 € u pacchettu di 100.



1. Quantu ci vole millilitri di ghjacciu da empie un curnettu ?
2. Quantu vaschetti di 5 litri di ghjacciu li tocca à cumprà à Francescu Maria pè una settimana (7 ghjorni) di vendita ?
3. Chì hè u costu di e materie prime pè una settimana ?

Francescu Maria vende i vasetti una volta è mezu più caru chè i curnetti. Vulerebbe fà un benefiziu di, al menu, 1 100 € à settimana.

4. À chì prezzu minimu li tocca à vende i curnetti ?
5. À chì prezzu minimu li tocca à vende i vasetti ?

Lessicu

Palliola : *petite balle, boule de glace.*

Vasettu : *pot.*

Conu : *cône.*

Vaschettu : *bac.*